

O Le Faaeega Paia

Faitau le faamatalaga lenei o loo maua i le temples.ChurchofJesusChrist.org, ma vaavaai mo tali i le fesili lenei:

- E faapefea ona faamanuiaina a'u e le Alii a o ou mauaina o'u faaeega paia?

Afai e te auai i le Eklesia, e te mauaina ni sauniga se lua—papatisoga ma le faamauga. E faapena foi, o le faaeega paia o le malumalu e maua i ni vaega se lua.

I le vaega muamua, o le a e mauaina i se tulaga patino ma na o oe lava se mea ua ta'ua o le “uluai” sauniga. O nei sauniga e aofia ai ni faamanuiaga faapitoa e faatatau i lou tofi paia ma ou gafatia. O se vaega o nei sauniga, o le a faatagaina ai foi oe e ofu ofusa paia o le malumalu.

I le vaega lona lua, o le a e mauaina ai le vaega o totoe o lou faaeega paia i se faatulagaga faalevaega. E faia lenei mea i se potu o aoaoga faatasi ma isi o auai atu i le malumalu. O mea tutupu o vaega o le ata o le faaolataga ua tuuina mai ai. Ua aofia ai le Foafoaga, le Pau o Atamu ma Eva, le Togiola a Iesu Keriso, le Liliuese, ma le Toefuataiga. O le a e aoao atili ai foi e uiga i le auala e mafai ona toe foi atu ai tagata uma i le afioaga o le Alii. O nisi o vaega o le faaeega paia e tuuina atu i le vitio ma o nisi e tuuina atu e taitai o le malumalu.

Ao faia le sauniga o le faaeega paia, o le a valaaulia oe e osia ni feagaiga faapitoa ma le Atua. O nei feagaiga e aofia ai mea nei:

- “Tulafono o le Usiusitai, lea e aofia ai le taumafai e tausi poloaiga a le Atua
- Tulafono o le taulaga, e aofia ai le faia o mea uma tatou te mafaia e lagolago ai le galuega a le Alii ma salamo ma se loto momomo ma se agaga o le salamo
- Tulafono o le talalelei, o le tulafono maualuga atu lea na aoao mai e Iesu a o i ai o Ia i le lalolagi
- Tulafono o le ola mama, o lona uiga o le faia o sootaga feusuai ma na o i latou o e ua tatou faaipoipo i ai faaletulafono ma i la le tulafono e tusa ai ma le tulafono a le Atua
- Tulafono o le faapaiaga, e aofia ai le tuuto atu o o tatou taimi, taleni, ma mea uma ua faamanuiaina ai i tatou e le Alii i le atinaega o le Eklesia a Iesu Keriso i le lalolagi

A e tausia au feagaiga, o le a e latalata atili atu i le Faaola ma o le a faateleina le mamana o lou sootaga ma Ia. Ua folafola mai e le Atua o i latou o e tausia a latou feagaiga o le a maua faamanuiaga i lenei olaga ma le avanoa e toe foi atu ai ma mafuta faatasi ma Ia e faavavau.

I le faaiuga o le faaeega paia, e ulu atu tagata auai faafailoga i le afioaga o le Alii ao latou ulu atu i le potu selesitila. O iina e mafai ai ona e faaalu le taimi e mafaufau loloto ai, tatalo, faitau tusitusiga paia, pe faasoa filemu atu ai ou lagona ma aiga ma uo. O se nofoaga lenei o le filemu, lea e mafai ai foi ona e maua le mafanafana ma le taitaiga faalelagi. (Tagai i le “E Uiga i le Faaeega Paia o le Malumalu,” temples.ChurchofJesusChrist.org.)